



Broj: 05-491-4/20
Sarajevo, 16.03.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-491-3/20 od 12.03.2020. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 05-491-3/20 od 12.03.2020. godine i ugovor za javnu nabavku usluga fizičke i tehničke zaštite poslovnih prostorija Agencije za bankarstvo Federacije BiH dodjeljuje se ponuđaču „Unilab“ d.o.o. Sarajevo.

Član 2.

Ukupna ponuđena cijena iz tačke I. ove odluke iznosi 42.900,00 KM

Član 3.

Ova Odluka bit će objavljena na internetskoj stranici Agencije www.fba.ba, istovremeno sa upućivanjem iste ponuđačima koji su sudjelovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

O B R A Z L O Ž E N J E

Postupak javne nabavke predmetnih usluga pokrenut je Odlukom o pokretanju postupka javne nabavke usluga, broj: 05-491/20 od 14.02.2020. godine. Javna nabavka je sprovedena u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16, u nastavku: Pravilnik). U skladu sa odredbama člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, ugovorni organ je pripremio i objavio Poziv za dostavu ponuda na svojoj internetskoj stranici, te isti uputio na tri adrese. Procijenjena vrijednost nabavke utvrđena je u iznosu od 45.000,00 KM.

Rješenjem o imenovanju Komisije za javne nabavke, broj 05-491-1/20 od 10.03.2020. godine, definisane su njene nadležnosti, koje uključuju poslove otvaranja, pregleda i ocjene ponuda, te davanje

preporuke za odabir najpovoljnijeg ponuđača. Dana 12.03.2020. godine, komisija je održala sastanak na kojem je izvršila pregled, evaluaciju i davanje konačne preporuke za odabir najpovoljnije ponude. Uvidom u Zapisnik o zaprimanju podnesenih ponuda, broj: 05-491-2/20 od 11.03.2020. godine, utvrđeno je da su pravovremeno pristigle dvije ponude od strane ponuđača: „Sword Security“ d.o.o. Sarajevo i „Unilab“ d.o.o. Sarajevo.

Pregled ponuda, prema redoslijedu zaprimanja ponuda iz Zapisnika o zaprimanju podnesenih ponuda, daje se u sljedećoj tabeli:

u KM

Redni broj	Broj protokola	Ponuđač	Ukupna cijena (bez uračunatog popusta)	Popust	Ukupna cijena* (sa popustom)
1.	05-491-2-1/20	„Sword Security“ d.o.o. Sarajevo	39.210,00 KM	/	39.210,00 KM
2.	05-491-2-2/20	„Unilab“ d.o.o. Sarajevo	42.900,00 KM	/	42.900,00 KM

U prvoja fazi rada, Komisija je pristupila pregledu i ocjeni pristiglih ponuda u pogledu ispunjavanja zadanih kvalifikacijskih uslova, te u procesu evaluacije istih utvrdila:

- da je ponuda ponuđača „Unilab“ d.o.o. Sarajevo kvalifikovana i prihvatljiva za ugovorni organ, te da su dostavljeni svi traženi dokazi propisani pozivom za dostavljanje ponuda;
- da se ponuda ponuđača „Sword Security“ d.o.o. Sarajevo odbacuje na osnovu člana 68. stav (1) i (4) tačka i) Zakona o javnim nabavkama.

U ponudi ponuđača „Sword Security“ d.o.o. Sarajevo evidentirane su nepravilnosti u pogledu ispunjenja uslova za kvalifikaciju, koje su definirane u poglavlju 3. – Uslovi za kvalifikaciju ponuđača, tačka 3. (Ekonomska i finansijska sposobnost – član 47. Zakona o javnim nabavkama), podtačka a) iz poziva za dostavljanje ponuda.

U navedenoj podtački, kao dokaz tražen je izvještaj o svim otvorenim računima pravnog lica koji izdaje Centralna banka BiH, te da navedeni izvještaj ne smije biti stariji od datuma objave poziva za predmetnu nabavku; za svaki od računa koji bude naveden u izvještaju Centralne banke BiH ponuđač je dužan dostaviti kopiju potvrde od poslovne banke gdje je račun otvoren, kojim će dokazati da račun nije blokiran u zadnjih 12 (dvanaest) mjeseci, računajući od dana objave poziva za dostavu ponuda na internetskoj stranici ugovornog organa.

- Ponuđač „Sword Security“ d.o.o. Sarajevo dostavio je izvještaj o otvorenim računima iz Centralne banke BiH sa datumom 29.01.2020. godine, koji je stariji od datuma poziva za dostavu ponuda, što je u suprotnosti s zadanim uslovom iz poziva, kojim je traženo da izvještaj ne smije biti stariji od datuma objave poziva za predmetnu nabavku (18.02.2020. godine).
- Nadalje, ovaj ponuđač dostavio je kopije potvrda od poslovnih banaka:
- „Sparkasse bank“ d.d. BiH - sa navodima da posjeduje otvoren aktivan transakcijski račun za poslovanje koji nije blokiran u periodu od posljednjih 12 (dvanaest) mjeseci, računajući od datuma izdavanja potvrde (29.01.2020. godine), što je u suprotnosti sa zadanim uslovom iz poziva, kojim je traženo da potvrda od banke mora biti izdata sa navodima da račun nije

blokiran u posljednjih 12 (dvanaest) mjeseci računajući od dana objave poziva na internetskoj stranici ugovornog organa (18.02.2020. godine);

- „Raiffeisen bank“ d.d. BiH – sa navodima da je ponuđač imalac transakcijskog računa za poslovanje, koji nije bio blokiran niti je imao zabranu raspolaganja sredstvima na transakcijskom računu u periodu od 28.01.2019. godine do 28.01.2020. godine, što je u suprotnosti sa zadnim uslovom iz poziva, kojim je traženo da potvrda od banke mora biti izdata sa navodima da račun nije blokiran u zadnjih 12 (dvanaest) mjeseci računajući od dana objave poziva na internetskoj stranici ugovornog organa (18.02.2020. godine);
- „Sberbank BH“ d.d. Sarajevo – sa navodima da posjeduje otvoren račun, koji je solventan, aktivan i nije bio blokiran u periodu od 29.01.2019. godine do 29.01.2020. godine, što je u suprotnosti sa zadanim uslovom iz poziva, kojim je traženo da potvrda od banke mora biti izdata sa navodima da račun nije blokiran u zadnjih 12 (dvanaest) mjeseci računajući od dana objave poziva na internetskoj stranici ugovornog organa (18.02.2020. godine);
- „Privredna banka Sarajevo“ d.d. Sarajevo - sa navodima da po transakcijskom računu nije imao podnesenih naloga za plaćanje na ime dospjelih, a neizmirenih obaveza, te da je račun solventan u posljednjih 12 (dvanaest) mjeseci u periodu od datuma izdavanja potvrde (29.01.2020. godine), što je u suprotnosti sa zadanim uslovom iz poziva, kojim je traženo da potvrda mora biti izdata od banke sa navodima da račun nije blokiran u zadnjih 12 (dvanaest) mjeseci, računajući od dana objave poziva za dostavu ponuda na internetskoj stranici ugovornog organa (18.02.2020. godine).

Uvažavajući sve navedeno, komisija je ponudu ponuđača „Sword Security“ d.o.o. Sarajevo ocijenila kao neprihvatljivu za ugovorni organ i dala preporuku da se ista odbije, u skladu sa članom 68. stav (1) i (4) tačka i) Zakona o javnim nabavkama.

Na osnovu naprijed navedenog, primjenjujući zadani kriterij najniže cijene tehnički zadovoljavajuće ponude, u skladu sa članom 69. stav (1) tačka a) i članom 70. stav (1) Zakona o javnim nabavkama i članom 8. stav (2) tačka d) Pravilnika o uspostavljanju i radu komisije za nabavke, komisija je predložila da se ugovor za javnu nabavku usluga dodijeli privrednom subjektu „Unilab“ d.o.o. Sarajevo, kao najuspješnijem ponuđaču u predmetnom postupku nabavke, sa ponuđenom cijenom u iznosu od 42.900,00 KM.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, u skladu sa odredbama članova 99. i 101. Zakona o javnim nabavkama (“Službeni glasnik BiH”, broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti Dobrovoljnog ex-ante obavještenja o transparentnosti na Portalu javnih nabavki.

Dostaviti:

1. Ponuđaču u postupku: „Sword Security“ d.o.o. Sarajevo
2. Ponuđaču u postupku: „Unilab“ d.o.o. Sarajevo

